

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba civilne zaštite
Broj: 11-11-650/26
Tuzla, 14.09.2026. godine

Na osnovu člana 1. stav (2) Pravilnika o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transfer neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.09.2026. godine, Pomoćnik gradonačelnika za Službu civilne zaštite Grada Tuzle donosi

PROGRAM
utroška sredstava iz Budžeta Grada Tuzle za 2026. godinu
sa pozicije „Tekući transferi neprofitnim organizacijama iz oblasti zaštite i spašavanja na području grada Tuzle“

1. UVOD

U Budžetu Grada Tuzle za period od 1.1. do 31.12.2026. godine („Službeni glasnik Grada Tuzle“, broj: 16/25 i 6/26), u okviru Službe civilne zaštite, planirana su finansijska sredstva na poziciji broj 1201/614311-78 „Tekući transferi neprofitnim organizacijama iz oblasti zaštite i spašavanja na području grada Tuzle“ u ukupnom iznosu od 35.000,00 KM. Ovim Programom definiše se način utroška sredstava sa navedene budžetske pozicije.

2. PRAVNI OKVIR ZA PROVOĐENJE PROGRAMA

Pravni okvir za provođenje ovog Programa čine:

- Budžet Grada Tuzle za period od 1.1. do 31.12.2026. godine („Službeni glasnik Grada Tuzle“, broj: 16/25 i 6/26);
- Odluka o izvršavanju Budžeta Grada Tuzle za 2026. godinu („Službeni glasnik Grada Tuzle“, broj: 16/25 i 6/26);
- Pravilnik o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transfer neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.09.2026. godine.

3. CILJ PROGRAMA

Dodjela sredstava sa pozicije „Tekući transferi neprofitnim organizacijama iz oblasti zaštite i spašavanja na području grada Tuzle“ ima za cilj pružanje finansijske podrške neprofitnim organizacijama, koje svojim djelovanjem doprinose funkcionisanju, unapređenju i razvoju sistema zaštite i spašavanja od prirodnih i drugih nesreća (u daljem tekstu: zaštita i spašavanje) na području grada Tuzle, utvrđene Pravilnikom o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transfer neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.09.2026. godine.

4. NAMJENA SREDSTAVA ZA DODJELU

Sredstva sa pozicije „Tekući transferi neprofitnim organizacijama iz oblasti zaštite i spašavanja na području grada Tuzle“ se mogu koristiti za finansiranje planiranih aktivnosti u tekućoj godini, koje su neposredno povezane sa djelovanjem organizacija u oblasti zaštite i spašavanja i koje su u skladu sa namjenom utvrđenom Pravilnikom o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transfer neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.09.2026. godine, ovim Programom i javnim pozivom.

Sredstva se mogu koristiti za:

- a) obuke, kurseve, seminare, treninge, vježbe, takmičenja i druge aktivnosti osposobljavanja pripadnika organizacije, volontera i stanovništva;
- b) troškove stručnog osposobljavanja, certificiranja i polaganja ispita od značaja za zaštitu i spašavanje;
- c) aktivnosti prve pomoći, dobrovoljnog darivanja krvi, edukacije o minama i NUS-u, kao i druge preventivne i edukativne aktivnosti;
- d) međuinstitucionalne kampove, vježbe i razmjenu iskustava neposredno povezane sa zaštitom i spašavanjem;
- e) obuku i razvoj komunikacijskih kapaciteta,
- f) nabavku potrošnog materijala za obuku, vježbe, prvu pomoć, komunikaciju i spašavanje;
- g) troškove prevoza, smještaja, ishrane, angažovanja stručnih lica i druge logističke troškove neposredno povezane sa realizacijom odobrenih aktivnosti;
- h) izradu, štampanje i distribuciju edukativnih i promotivnih materijala;
- i) održavanje i servisiranje opreme koja se koristi za realizaciju odobrenih aktivnosti;
- j) druge opravdane troškove neposredno povezane sa realizacijom odobrene aktivnosti.

Sredstva se ne mogu koristiti za:

- a) aktivnosti koje nisu povezane sa zaštitom i spašavanjem;
- b) finansiranje političkih aktivnosti;
- c) ostvarivanje lične koristi ili raspodjelu dobiti pojedincima;
- d) finansiranje aktivnosti koje su tokom iste budžetske godine već finansirane iz drugih pozicija Budžeta Grada Tuzle;
- e) troškove nastale usljed operativnog angažovanja u konkretnim akcijama zaštite i spašavanja, osim ako je takva aktivnost prethodno odobrena u okviru prijavljene aktivnosti;
- f) druge namjene koje nisu u skladu sa Pravilnikom o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transfer neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.09.2026. godine, ovim Programom, javnim pozivom i zaključenim ugovorom.

5. USLOVI ZA OSTVARIVANJE PRAVA NA DODJELU SREDSTAVA

Pravo na dodjelu sredstava mogu ostvariti neprofitne organizacije, udruženja i fondacije koje su registrovane u skladu sa važećim propisima Bosne i Hercegovine i koje u skladu sa svojim osnivačkim aktima, registrovanim djelatnostima i posebnim propisima, provode aktivnosti od značaja za zaštitu i spašavanje ljudi, materijalnih dobara od prirodnih i drugih nesreća (u daljem tekstu: aplikanti) i ispunjavaju opće i posebne uslove utvrđene Pravilnikom o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transfer neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.09.2026. godine i Javnim pozivom.

Opći uslovi:

- a) da su osnovani i registrovani u skladu sa važećim propisima u Bosni i Hercegovini;
- b) da imaju registrovano sjedište na području grada Tuzle;
- c) da je njihova djelatnost povezana sa zaštitom i spašavanjem ili da svojim aktivnostima doprinose provođenju aktivnosti od značaja za zaštitu i spašavanje;
- d) da se aktivnosti za koje traže sredstva realizuju na području grada Tuzle;
- e) da imaju odgovarajuće stručne, organizacione, ljudske i/ili tehničke kapacitete za realizaciju prijavljenih aktivnosti;
- f) da su uredno opravdali ranije dodijeljena sredstva iz Budžeta Grada Tuzle, ukoliko su ih koristili.

Posebni uslovi:

- a) da je prijavljena aktivnost jasno definisana i usmjerena na ostvarivanje ciljeva iz oblasti zaštite i spašavanja;
- b) da je prijavljena aktivnost u skladu sa registrovanom djelatnošću i ciljevima aplikanta;
- c) da je prijavljena aktivnost od značaja za zaštitu i spašavanje na području grada Tuzle;
- d) da su planirani troškovi opravdani i neposredno povezani sa realizacijom prijavljene aktivnosti;
- e) da je prijavljena aktivnost realno ostvariva u planiranom periodu i u okviru traženog iznosa sredstava.

Aplikant je dužan uz prijavu dostaviti Program aktivnosti kojim jasno definiše aktivnosti za koje traži finansijska sredstva, ciljeve, očekivane rezultate, korisnike, područje i period realizacije aktivnosti, kao i planirane troškove. Program aktivnosti predstavlja sastavni dio aplikacije i ocjenjuje se u postupku vrednovanja prijave.

6. NADLEŽNA SLUŽBA ZA PROVOĐENJE PROGRAMA

Za provođenje ovog Programa i nadzor nad namjenskim korištenjem dodijeljenih sredstava nadležna je Služba civilne zaštite.

7. PROVOĐENJE PROGRAMA

Sredstva čiji način utroška se definiše ovim Programom su grant sredstva i dodjeljuju se putem javnog poziva. Javni poziv objavljuje se na zvaničnoj internet stranici Grada Tuzle (grad.tuzla.ba) i ostaje otvoren najmanje 15 dana od dana objavljivanja. Prijave na javni poziv se podnose na Prijavnom obrascu koji je sastavni dio ovog Programa i nalazi se u prilogu i može se preuzeti na zvaničnoj internet stranici Grada Tuzle (grad.tuzla.ba).

Postupak po Javnom pozivu provodi tročlana Komisija za ocjenjivanje i odabir aplikacija (u daljem tekstu: Komisija) koju rješenjem imenuje Pomoćnik gradonačelnika za Službu civilne zaštite.

Komisija utvrđuje blagovremenost i potpunost aplikacije te ispunjavanje općih i posebnih uslova iz tačke 5. ovog Programa, i ocjenjuje istu u skladu sa kriterijima utvrđenim u Pravilniku o uslovima i postupku raspodjele finansijskih sredstava iz Budžeta Grada Tuzle sa pozicije „Tekući transferi neprofitnim organizacijama iz oblasti zaštite i spašavanja na području grada Tuzla“, broj: 02/11-A-14426-2026 od 11.09.2026. godine i Obrascu za ocjenu prijave koji je sastavni dio ovog Programa i nalazi se u prilogu i može se preuzeti na zvaničnoj internet stranici Grada Tuzle (grad.tuzla.ba).

Komisija dodjeljuje usaglašene bodove u rasponu od 1 do 3 za svaki od kriterija pojedinačno, na sljedeći način: 1 bod – odgovarajuće; 2 boda – dobro; 3 boda – veoma dobro. Ukupan broj bodova za prijavu predstavlja zbir svih bodova dodijeljenih u Obrascu za ocjenu prijave. Maksimalni broj

bodova koji se mogu dodijeliti je 18, a minimalni broj bodova je 6. Minimalni prag za ostvarivanje prava na dodjelu sredstava iznosi 9 bodova. Aplikacija koja ostvari manje od 9 bodova ne može biti predložena za dodjelu sredstava.

Iznos sredstava koji će biti predložen po pojedinačnoj aplikaciji utvrđuje Komisija na osnovu ostvarenog broja bodova i traženog iznosa. Predloženi iznos sredstava ne može biti manji od 3.000,00 KM niti veći od 20.000,00 KM. Odobreni iznos može biti manji od traženog iznosa, kada za to postoje opravdani razlozi, uz obrazloženje Komisije.

Po okončanju postupka ocjenjivanja Komisija dostavlja Pomoćniku gradonačelnika za Službu civilne zaštite zapisnik o radu i Listu o odabiru aplikacija sa brojem bodova i predloženim iznosom finansijskih sredstava za dodjelu. Lista o odabiru aplikacija, koja treba sadržavati i aplikante koji nisu ispunili uslove javnog poziva sa naznakom koji uslov nije ispunjen, bit će objavljena na službenoj internet stranici Grada Tuzle (grad.tuzla.ba).

Nezadovoljni aplikanti mogu podnijeti prigovor u roku od sedam (7) dana od dana objave Liste o odabiru aplikacija na službenoj internet stranici Grada Tuzle. Prigovor se podnosi u pismenoj formi, uz jasno obrazloženje o razlozima podnošenja. Podnesene prigovore razmatra i o istim odlučuje Drugostepena komisija koju imenuje Pomoćnik gradonačelnika za Službu civilne zaštite. O podnesenom prigovoru Drugostepena komisije odlučuje u formi obavještenja koje se dostavlja podnosiocu prigovora. Po okončanju postupka po prigovorima, Drugostepena komisija sačinjava Konačnu listu o odabiru aplikacija sa predloženim iznosom finansijskih sredstava za dodjelu i zapisnik o radu Drugostepene komisije. Konačna lista o odabiru aplikacija objavljuje se na službenoj internet stranici Grada Tuzle.

Na osnovu Konačne liste o odabiru aplikacija, Pomoćnik gradonačelnika za Službu civilne zaštite donosi Program raspodjele sredstava sa namjenske budžetske pozicije „Tekući transferi neprofitnim organizacijama iz oblasti zaštite i spašavanja na području grada Tuzla“

Nakon donošenja Programa raspodjele, Pomoćnik gradonačelnika za Službu civilne zaštite sa odabranim aplikantima zaključuje ugovore o dodjeli sredstava, u kojima će biti definisana međusobna prava i obaveze u pogledu načina njihovog korištenja.

8. KONTROLA UTROŠKA SREDSTAVA

Kontrolu namjenskog utroška dodijeljenih sredstava vršit će komisija za praćenje namjenskog utroška koju imenuje Pomoćnik gradonačelnika za Službu civilne zaštite, a na osnovu narativnih i finansijskih izvještaja dostavljenih od strane korisnika sredstava. Narativni i finansijski izvještaj korisnici sredstava dostavljaju na propisanim obrascima (Obrazac za narativni izvještaj i Obrazac za finansijski izvještaj), koji su sastavni dio ovog Programa i nalaze se u prilogu, i mogu se preuzeti na službenoj internet stranici Grada Tuzle (grad.tuzla.ba).

9. STUPANJE NA SNAGU

Ovaj Program stupa na snagu danom donošenja i objavit će se na zvaničnoj internet stranici Grada Tuzle.

**Pomoćnik gradonačelnika
za Službu civilne zaštite**

mr. sc. Mirela Uljić, dipl. ing. arh.